

“Longh Yahvaiz” Bouxcuengh

□ Luz Swngnyungz / 陆生雄

“Longh Yahvaiz” Bouxcuengh youh heuhguh vaizcin diuqfoux, dwg cungj hozdung ndawbiengz ndeu. Youq mwh biujyenj “longh yahvaiz”, gyoengqvunz foux aen gyaauj vaiz hungloet ndeu, roq laz roq gyong, gyoengq lwgmbauq lwgsau caeuq bouxlaux lwgnyez ndaw mbanj cungj aeu diuq fouxvaizcin, sing sang eu fwen, caemhcai q dawz gij vujgi ciuhgeq biujyenj, youzbyaij daengx aen mbanj, maqmuengh bimoq fwn rumz cuk, doengh haeux fungsou, saedcej gvaq ndaej onjdupdup. Hozdung sat le, caezgya couh gaj mou gaj yiengz, doxcomz youq giz ndeu gwn ngaiz.

Bouxcuengh dwg aen minzcu z ceiq gonq ndaem haeux ndaw ndoeng. Hoeng seizde gyoengqvunz mbouj rox aeu duzvaiz daeuj dajndaem, cungj dwg hawj mehmbwk daeuj rag cae rauq reihnaz, bi nduj guh daengz bi byai, sinhoj dangqmaz. Gyoengqde couh bae ra Baeuqroxdoh naeuz: “Mwngz youq mwh cau h doxgai q seiz, doi q mehmbwk dou saedcaih mbouj goengbingz ha! Raeuz seng lwg ganq lwg, lij aeu guh hongranz, youh aeu bae ndaem naz, rap raemx raemj fwnz, doz fai q daemj baengz dem. Gij rengz dou bonjlaiz couh iq, laebdaeb guh roengzbae, ndangdaej dou baenzlawz dingj ndaej ne?”

Baeuqroxdoh dingq le, hix roxnyinh gyoengq mehmbwk dwgrengz sinhoj raixcaix. Baenzlawz guh ne? Mwhneix, Baeuqroxdoh cingqngamj

yawjraen gwnz diegnywj rog ndoi miz geij duz vaiz cingq cwxcaih gwn nywj. De da baez doengh, couh caeuq gyoengq mehmbwk naeuz: “Doengh gij vaiz neix dauq gig miz rengz, couh heuh gyoengqde daeuj dingj sou rag cae rauq ba!” Gyoengq mehmbwk dingq le, rimhoz dauqbae lo.

Doeklaeng Baeuqroxdoh couh daeuj daengz gwnz diegnywj caeuq gyoengq duzvaiz naeuz: “Duzvaiz ha duzvaiz, sou baenzngoengz gwq youq gwnz bya gwn nywj ndwi, mbouj guh saekdi hong, baez nanz hix mbwq lai lo. Gou hawj sou bae bang bouxvunz rag cae rauq ba!” Baeuqroxdoh dwg bouxcauh ndawbiengz, gij vah de byawz mbouj dingq? Yienghneix gyoengq vaiz cungj “w” sing he dapwngq lo, gaenriengz Baeuqroxdoh bae daengz ndaw ranz bouxvunz yaek guh hongnaz.

Ngoenz daihngeih, bouxvunz dai q duzvaiz bae ndaw reihnaz, duzvaiz mbouj rox baenzlawz guh, caemhcai q mbouj rox gij vah bouxvunz, bouxvunz hemq de coh baihdoeng, duzvaiz cix yiengq baihsae. Baenzneix guh baenz buenq ngoenz, cix fan mbouj ndaej saek gai q namh. Bouxvunz simnyap, couh ndaq duzvaiz naeuz: “Duzvaiz caen dwg duzvaiz! Lienz cae naz rauq naz cungj mbouj rox guh, huk lai lo!” Duzvaiz mbouj fugheiq, doq ngauz gyaauj doq bi rieng. Mbouj liuh daengz bi rieng bi raemx namh daengz gwnz naj bouxvunz bae. Ndawsim bouxvunz feiz byaeu feiz, couh fad

gwnz ndang duzvaiz 3 bien, doq fad doq hut: “Mwngz duzvaiz neix, mbouj rox guh hong, lij mbouj dingqgangj dem.”

Duzvaiz deng fad deng hut le, couh buet bae caeuq Baeuqroxdoh gauq, naeuz gyoengqde cai q hix mbouj nyienh bae bang vunz rag cae rauq lo. Baenzneix Baeuqroxdoh couh naeuz bouxvunz: “Duzvaiz dwg gwn nywj, cix bang sou cae naz cae reih. Gij hong neix dwg hong naek, sou wnggai aeueiq duzvaiz. Hoeng, sou cix doengh mbouj doengh couh aeu bien fad de hut de. Gyoengqde hainduj guh, lij mbouj sug, guh geij ngoenz couh hag rox lo. Sou dawz aen ndaeng duzvaiz byoengq lo, cug hwnj diuz cag ndeu,

mwh cae naz cae reih, couh yien diuz cag neix bae dazyinx duzvaiz.” Bouxvunz ciuq gij vah Baeuqroxdoh bae guh, caen dahraix, duzvaiz caeuq bouxvunz boiqhab ndaej gig ndei.

Aenvih duzvaiz rengz hung, aeu de daeuj cae, vunz dajndaem couh soeng le haujlai, caemhcai q vamiuz youh maj ndaej engq ndei, baenzneix vih docih duzvaiz, gyoengqvunz couh dangq vaiz baenz vunzranz, haeujsim ganq de. Doeklaeng youh dawz vaiz dangguh cungj doxgai q baiqfug ndawbiengz ndeu, moix bi ndwencieng ngoenz duh duzmax daih’it, couh guh gij hozdung “Longh Yahvaiz” hunghoengh, sei qsei q daihdaih cienz roengzdaeuj.



Daihcib Aulungzgeviz Gangj Goj (Daihsam)

Baezlaeng, Lungz Byauh couh mbouj baenzneix romh couh hwnqdaej bae riengz Siu Cuh lo, de youq ranz gwn haeuxromh imq le, raen daengngoengz gaenq bin hwnjdaej, cij caeuq daxmeh de naeuz bonjfaenh yaek hwnj bya bae guhcaemz.

“Lwg, gwq buet ok rog bae guh maz? Mbwn baenzneix ndat.” Daxmeh de sing unq heuh de, cam, “Ngoenzneix aeu mbouj aeu bae yawj dahsau ranz singq Ginh Mbanjdalingj? Ngoenzlwenz Buzsimjsam gangj dah de maj ndaej lumj dujva nei, youh gyaunde i youh guh ndaej hong, dinfwngz gig gaenx…….”

“Meh, gou mbouj bae!” Lungz Byauh doq doi lo.

“Mwngz raen dah de gvaq?” Daxmeh de geizheih cam.

“Caengz.”

·Sawcuenhvaez Lwgnyez·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 莫蓓蓓

“Baenzneix vihmaz mbouj nyienh bae ne?”

“Mbanjdalingj miz maz dahsau ndei?”

“Buzsimjsam gangj——”

“Byawz saenq gij vah mehmoiz? Go’nya hix ndaej gangj baenz va.”

“Yienghneix, mwngz dwg gangj……”

“Doeklaeng cai q dwen. Meh, gou yaek okbae yaep ndeu.”

“Ndei ha, dauq caeux di. Miz di saeh lij dwg caeux dajsuenq caeux gietdingh cij baenz.”

“Gou rox.”

Lungz Byauh youh riengjret buet daengz gwnz bo Siu Cuh gvej haz

haenx.

Gwnz roen mbouj miz maz gvang, de cigsoh buet coh laj go faex hung ngoenzlwenz bin gvaq haenx. Baezneix de mbouj aeu suksuk siemjsiemj lo, ai q Siu Cuh mbouj mbwq de geijlai, aenvih ngoenzlwenz Siu Cuh bang de cij mbouj deng dahsau wnq fatyienh, ngoenzneix daeuj lij lau maz dem?

Go faex hung baihhaenx, Siu Cuh cingq gungj hwet gvej haz, ngoenzneix de vuenh le geu buh’ou, vaq ndaem raez, byai mengq raez geuj diuz mae—hoengz, ndei yawj dangqmaz. Lungz Byauh mbouj siengj cai q haep de, daegdaengq ae le sing iq ndeu, Siu Cuh doq cienq ndang, song lwgda

caengz de.

“Baenzlawz youh daeuj lo?”

“Daeuj bang mwngz ha.”

“Suenq lo suenq lo!” Siu Cuh ndiengq bak, bwnda nyaueq naeuz, “Mbouj bang lij ndei, yied bang yied fanz!”

“Baenzlawz lo?” Lungz Byauh simvueng cam, “Gou gvej haz mbouj baenz, cug haz cungj baenz ba?”

“Lij euq dem?” Siu Cuh lumj miz di hozhwnj, vut fagcax youq gwnz namh, dawz mauhdiemx beiz faj naj nding’yanyan, “Ngoenzlwenz mwngz cug le song gwed, saedcaih haih dai vunz ha.”

(caengz sat)